

*Sigle: M8*

*Aufbewahrungsort: Bayrische Staatsbibliothek München*

*Signatur: Cgm 134*

[4r,01]OMnis ar=

bor bona. bo=

nos fructus

facit Dife

wort spricht vnfer liber

her *Jesus Christus* zu ainen

yczlichen menschen das

furbas komen wil vnd

fruchtbar werden an fei(=)

ner seel. vnd dife wort

lauten also Ein yzlicher

[4v,01]guter baum bringt ain

gute frucht wiltu nun gu=

ter menschen ain guter baum

sein vnd gute frucht an

deiner seel bringen so solt

du dich vben an der mar=

ter vnfers liben hern *Jesu*

*Christi*. vnd mercken mit al=

ler deiner crafft vnd finn(=)

nen. vnd dich hencken

an disen baum an dem

[5r,01]vnfer heylant vnd troft

sein edele seel hot auff(=)

geben vmb vnfer fünd wil=

len zu bedencken sein hey=

lige marter mit ainem

betrubten herczen Alz der

heilig bischoff fant anf=

helmus deth der kaftigi=

ret sich fere.vnd fastet vil.

vnd bath vnfer libe fraw

mit wainenden augen  
[5v,01]ym zu offenbarn das ley=  
den vnd die marter vn=  
fers liben hern *Jesu Christi*.  
Ainfzmoltz erfchein im  
vnfer libe fraw vnd sprach  
zu im Anhelme ich sach  
dir das mein libs kint  
*Jesus Christus* also groffe vnd  
mancherley marter geli=  
den hot. das kain mensch  
nit kon aufzsprechen vor  
[6r,01]groffem iamer vnd wainen.  
Iedoch fo wiffe das ich an  
folge wirdigkait komen  
bin. die nit ift aufzu(=)  
sprechen vnd ich kan nit  
meer betruht werden.  
[7v,01]Do froget fant  
anhelmus  
vnfer libe  
fraw die ge(=)  
schicht vnd marter vn=  
fers liben hern *Jesu Christi*  
vnfers erlofers. Sy ant=  
wort ym vnd sprach Anf=  
helme. do mein liber fon  
*Jesus Christus*. das abentef=  
fen mit feinen liben iung=  
[8r,01]ern geffen het vnd yn yr  
füß gewafchen. do ging iü=  
das zu den iuden vnd ver(=)  
kaufft meinen liben fon  
vmb dreiffig pfenning.  
das nym du criften mensch(=)  
zu herczen. vnd gedenck

wie dein fchopffer dein  
erlofer dein heylant dei=  
ner feeln troft. dein tew=  
rer lon alfo fchnodigk=  
lichen

[8v,01]vmb deinentwillen ift  
verkauft worden Anfhel=  
mus der froget welcher=  
ley das die pfenning we=  
ren. Vnfer libe fraw die  
fprach. Anfhelme dy pfen=  
ning warn geflagen ym  
land zu yfmahel vnd wa=  
ren die pfenning do io(=  
feph von feinen brüdern  
vmb verkaufft wart

[9r,01]wol vor taufent iaren. Ai=  
ner desfelbigen flages  
was fo gut alz gemeinck(=  
lich czehen pfenning fein.  
vnd warn gestorben von  
ainem geflecht an das  
ander vnd geerbt byfz  
an die iuden die meinen  
liben fon kaufften Anfhel=  
mus fprach warftu auch  
doby do dafz gefchach.

[9v,01]Vnser libe fraw fprach.  
Neyn. Iedoch do mein libs  
kint das obenteffen heth  
geffen. vnd feinen iungern  
feinen heylgen leib het ge(=  
geben. vnd ym gar lieblich  
het gepredigt. vnd iudas  
fein verretter zu den iu=  
den was gangen. do ging

mein kint mit feinen  
iungern von dem berg fyon  
[10r,01]durch dy pfortten do man  
gēt zu dem waffer das do  
heyft fyloe in ein garten  
do wurden die iunger fchloffen  
vnd dy weyl do die iunger  
fliffen do ging mein kint  
von yn alß ver als man  
mit ainem stein werffen  
mag. vnd trat an den  
berg oliueti vnd bat fey=  
nen hymellifchen vater  
[10v,01]vnd sprach dyß gepet  
Her erhör mein gepet.  
wan dein barmherczikeit  
dy ift grofz. vnd keer nit  
dein angeficht von deinem  
kint. erhör mein feel vnd  
erloß fy. Do sprach anf=  
helmus Eya libe fraw.  
durch weß willen bettet  
dein kint Do antwort  
ym vnfer libe fraw. Mein  
[11r,01]kint das bettet vmb drey=  
erley fach willen dy erft  
was die. das mein kint  
fo rain wafz an feinem czar=  
ten leib. wan er was ge(=  
porn von kuncklicher art  
vnd auß ainem rain leib dor(=  
vmb fo vorcht er den tod  
vnd dy pein mer dan ein  
ander menfch Die ander  
vrfach was das mein  
[11v,01]kint got was vnd ift fo

weft er vor wol wy grofz  
die marter fein folt die  
im die fchnoden iuden thun  
wurden. wen er doran ge=  
dacht wie fy in wurden  
anfpeyen. halsflagen  
geyffeln vnd creuczen fo ging  
im fo ein groffe angft zu.  
das er zu ainer czeyt an  
feinem czarten leib plut fwi(=)  
[12r,01]czet Die drit vrfach wafz  
das er wol weft das fich  
dy iuden vber in nit wur=  
den erbarmen dorvmb  
fo rufft er an feinen hy=  
mellifchen vater vnd pet in=  
nicklichen difz gepet vnd  
fprach alfo Vater ift ez  
müglich fo vberheb mich  
difer marter wan mein  
geyft ift berait vnd mein  
[12v,01]fleyfch ift alfo cranck ie(=)  
doch fo werd an mir ver(=)  
procht dein wil Do mein  
kint alfo beth do fant im  
fein hymelifcher vater  
ain engel der in tröftet  
vnd fprach alfo Her *Jesu*  
crift byfz fteth zu difer  
czeyt in deiner marter  
wan du wurft gar vyl er=  
löfen durch der willen du  
[13r,01]bift menfch geworden von  
dem ewigen tod. Dornoch  
ging mein kint wider zu  
feien iüngern vnd vand

fy floffen vnd sprach zu in  
Môgt ir mit mir nit ain  
cleine weyl wachen Secht  
ir nit der mich wil verro=  
ten der ift gar nohent.  
Do mein kint also sprach  
do kam iudas der verret=  
[13v,01]ter mit vyl iuden in den  
garten mit lucern mit fac=  
keln vnd mit fwertn vnd iu=  
das der sprach zu den iuden  
Ir hern fecht euch wol für  
wan ir fein czwen einan=  
der gar gleich das man  
ain vor dem andern nit  
wol erkennen mach der ein  
haift iacobus vnd der ander  
das ift *Christus* felber. Dorvmb  
[14r,01]gib ich euch ain czaichen  
welgem ich den kufz wurd  
geben den greyft an vnd  
für in gar ficherlich Do  
iudas kom zu meinem kint  
mit feiner gefelfchaft. do  
ging im mein kint enge=  
gen vnd frocht wen fy fuch=  
ten Do sprachen fy all *Jesum*  
von nazareth do sprach  
mein kint Ich binz Do  
[14v,01]vylen fy all zurück von der  
craft feiner heilgen wort  
dornoch sprach aber mein  
kint Ift das ir mich fucht  
zu vogen fo loft mein iunger  
weck gen Do kom iudas  
zu meinem liben kind vnd küft

in für feinen heiligen mund  
Do sprach mein kint O=  
we iudas mit difem küß  
hoftu mich verrotten Alß(=  
[15r,01]bald griffen in die iuden an  
vnd bunden im fein gebene=  
deite hent uff fein ruck  
vnd furten in iemmerlichen  
vmb vnd wider vmb das  
fach fant peter der liff zu  
vnd hieb ainem knecht ainß  
bifchofs ain ör ab Do  
frocht anhelmus furbas  
vnd sprach libe fraw sag  
mir gefchach do kain  
[15v,01]czeichen Do sprach vnfer  
libe fraw ia anhelme Mein  
kint erbarmt ficht vber in  
vnd faczt im das ör wider  
an vnd gepot petro das fwert  
einzuftoffen do dy iunger  
mein kint alfo gedültig  
zu feiner marter fagen fie  
vergafften der groffen trew dy  
mein kint in het bewifen  
vnd flugen all von im vnd liffen  
[16r,01]yn allein on allen troft  
in feinen nöten.  
[17v,01]DO froget  
anhelmus  
fürbas alfo  
libe fraw  
warftu bey deinem kint  
do das gefchag Sie ant=  
wort im vnd sprach  
Neyn Anhelmus sprach

Gütige fraw wy mogftu  
von im gefein fo du in  
alfz lieb heft Sy antwort

[18r,01]im vnd sprach Anhelme

Es wafz fpet vnd heth v̄bel  
geftanden bey nacht zu  
fehen iunckfrawen zu gen  
auff der ftroffen do frocht  
anhelmus libe fraw wu  
warftu dieweil vnfer

libe fraw die antwort  
ich was in meiner liben  
fwefter haußz iohannis  
defz ewangeliften muter

[18v,01]Sanctus anhelmus der

frogt furbas Ach libe fraw  
fach an wie wart dir das  
kunth vnfer libe fraw

antwort Anhelme das  
ich dir nün fach das ift  
vyl zu iemmerlich Dy iun=  
ger meines liben kinds  
kōmen zu mir geloffen  
vnd fprachen mit wainen

O allerlibfte fraw dein

[19r,01]kint vnfer liber meifter

der ift gefangen vnd gebun=  
den wir wiffen nit wu er  
hyngefurt ift ob er tod  
ader lebendig fey Sant  
anhelmus sprach Eya  
libe fraw waineftu nit

vnfer libe fraw sprach  
ia anhelme ich weft  
wol alleyn das mein  
kint folt erlöfen den



[19v,01]menschen doch durch mü=

terliche lieb wart ich so

herczenlich betrübt das

mein feel verwnt wart

mit dem schwert dovon

her fyneon geweiffacht

hat vnd gesprochen das

ain schneydendes schwert

folte durchgen mein feel

Do frocht fant anhel=

mus fürbas also libe

[20r,01]fraw wu furten sie yn für=

bas hyn Do sprach vnser

libe fraw Sy furten yn aufz

dem garten in ein tall das

heift iosaphat durch die

pforten genant dy gülden

pfort in die stat iherusa=

lem durch die gassen dor(=)

in wonet der iuden bisch=

off vnd die gleyfner in

eines iuden haufz der hyfz

[20v,01]Annas. Dobey ftund der

tempel Do frocht annas

mein kint was er den

leuten gepredicht het vnd

wu fein iunger wern.

Do antwort mein kint

gar gülich. Ich hab offen=

barlich in dem tempel

gepredicht vnd gelert

vnd hab nit heymlich ge(=)

lert ader gepredigt wur(=)

[21r,01]vmb frogstu mich. frog

die dy efz gehört haben

wafz ich gefacht hab Do

hort ein ander iud das  
mein kint anne *dem* iuden  
also zurett. vnd schlug  
mein kint mit gewappen=  
der hant an feyn heylgen  
backen das im daz fewr  
aufz feinen heylgen augen  
sprang vnd sprach Soltu  
[21v,01]also dem bischoff antwor=  
ten Do sprach mein kint  
also hab ich v̄bel geret  
dez gib geczeucknis von  
mir. hab ich aber wol ge(=  
ret wurvmb schlegftu  
mich so feer Alz bald  
verpunden sie ym fein au=  
gen als ainen dieb. fy lester=  
ten yn sie verfpotten yn  
vnd verspeyten ym fein  
[22r,01]gar wunnickligs ange=  
sicht mit irn fauln spey=  
chen. vnd sprach en in an  
fein ere vnd hiffen in ra=  
ten wer in an feinen  
hals geflagen het Do das  
geschach do ftund iohan=  
nes bey ym in *dem* haus  
vnd petrus vnd wermpt(=  
ten sich mit *dem* gefinde  
bey *dem* fewr Do wart  
[22v,01]ein dirn fant peter gewar  
vnd ruft petrum an vnd  
frocht in ob er wer ainer  
von meines kindes iunger  
Do fwur er ain ayt das  
er in nit hett gesehen der

ym oft vill guts gethon  
hett Auch so weft er nit  
wer er were zuhant do  
krett der han. do fach  
mein fon vmb vnd fach  
[23r,01]petrum an Do gedacht pe=  
trus an dy wort die mein  
kint zu ym gesprochen  
het. Ee der han krett fo  
wurftu mein drewmol  
verleygen Do ging petrus  
ufz dem haufz vnd wainet  
pitterlichen feer vmb des  
willen das er meinem liben  
kint dy vntrew erczeigt  
hett Do frocht anhelmus  
[23v,01]fürbas vnfer libe fraw  
warft du auch ~~de~~ libe iunck(=  
fraw dobey do dein kint  
die fmochait leyt Dy mu=  
ter antwort Nein Aber  
alfzpald do mir dy iunger  
den iamer meines kinds  
fachten alfzpald ging ich  
mit maria magdalena  
zu dem temple vnd hortten  
den iamer vnd gemormeln  
[24r,01]In anna defz iuden haüs.  
vnd wolt doreyn fein ge(=  
gangen des gefaten fy mir  
nit. Do beleib ich vor dem  
haufz mit wainen vnd  
fchreyen mit lautter fym.  
Owe mein allerlibftes  
kint. du pift das licht mei=  
ner augen. wer gibt meinem

haupt waffer vnd meinen  
augen treer das ich wain(=)  
[24v,01]nen mög tag vnd nacht  
dorvmb das ich layder  
hab verlorn mein kint  
den troft meiner feel Vnd  
maria magdalena lieff  
vmb alß ein thobender  
menfch vnd fach durch  
die thur vnd venfter ob  
fy indert mein kint erfe=  
hen möcht Aber ich ar=  
me betrubte muter ftünd  
[25r,01]vor dem haufz dorin mein  
kint wafz. vnd hort allen  
iamer vnd lafter das dy  
iuden meinem liben kint  
anlegten Do petrus mein  
kint zum dritten mal hett  
verlauget. vnd mein kint  
ym hett angefehen do  
waich petrus ufz dem haufz  
vnd wainet bitterlichen  
feer vmb der verleugung  
[25v,01]willen vnd fant mich vnd  
mariam magdalenam fteen  
vor dem haufz do er mich  
fage do rufft er weynent  
mit lautter ftym Owe  
mein allerlibfte fraw ma=  
ria ich clag dyr das man  
dein allerlibftes kint alß  
iemmerlich handelt das efz  
kein menfch nit mach aufz(=)  
fprechen. In demfelben iammer  
[26r,01]ging petrus in eyn hól vnd

behilt sich in ainem holn  
ftain vor groffen engften.  
derfelb ftain haift auff  
noch auff difen tag der  
hannekrett vnd kom  
nit herfür fo lang bys  
mein libs kint geftorben  
was an dem creucz Do  
sprach anhelmus was  
deftu do du dife meer horft

[26v,01] Vnfer libe fraw sprach O(=)

we anhelme Ich was  
alfo feer betrubt das daz  
fwert meines kindes  
marter verwundet mein  
feel das ich vor layt no=  
get tod pliben was Do  
sprach anhelmus libe  
fraw

[28r,01] Santus anhel=

mus sprach  
libe fraw  
was gefchach  
im dornoch Antwort

vnfer libe fraw Anhel=  
me do efz wart tagen an  
dem freytag frw do fur(=  
ten dy iuden mein kint  
ufz annas hauf. vnd broch(=  
ten yn für Caypham der

[28v,01] was in dem iar der iuden

bifchoff Do fach ich zu  
dem erften meinen fon.  
vnd hett yn nit gefehen  
von der czeit do in iudas  
verryt. do ging ich ge=

gen im als ein leuwin  
der ir iünge wern genum=  
men vnd wolt im helffen  
do wart ich gewar das  
fein schons angeficht dy  
[29r,01]iuden mit irn ftinckenden  
spaycheln hettē vngefalt  
vnd vnfauber gemacht.  
vnd fein luftigs har zu(=  
raufft also das ich mein  
kint kaum mocht erken=  
nen Sich anhelme do  
mainet ich das mir mein  
hercz mocht fein zubroch=  
en vnd rufft mit lautter  
ftym O mein allerlibftes  
[29v,01]kint wie iemerlich muß  
ich dich nūn anfehn wy  
offt du mich mit deinen  
liblichen angeficht haft  
erfrewt. vnd wolt mein  
kint also vmbfogen vnd  
gekūft hab do liffen mich  
die iuden nit zu im vnd  
ftiffen mich wider dannen  
als ein vnfinnigen menfch=  
en vnd triben mich ferre  
[30r,01]von ym. vnd ftiffen mich  
das ich gar nogent meinen  
hals het zubrochen. Die  
weyl man in also vmbfurt  
lyff das volck ye meer zu  
als wen man ain dip zu  
dem galgen wil furen do  
sprach anhelmus Eya libe  
fraw maria heftu kain

hoffnung das dein kint  
erledigt möcht werden

[30v,01] Vnfer libe fraw sprach ia

anhelme Ich weft wol  
das mein kint fo finreich  
was vnd wol reden kont  
wen er für gericht wurd  
geprocht das er sich wol  
kont ledich machen Sich  
anhelme do er für ge(=)  
richt kom do ftund er fo  
demuticklichen alz ain  
lempel fweygent das man

[31r,01] toden wil Auch hofft ich

nochdem alz mein kint  
alz luftfam was. Wurd er  
angefehen von ymant er  
wurd ym güntlich vnd ge(=)  
naygt. Dorvmb hofit ich  
arme muter gar feer das  
fy fich vber in foltzen erbar=  
met hab Sich anhelme do  
verpünden fy im fein augen  
vnd verfmehten yn vnd

[31v,01] vnd fpyen im an feinen

heylgen munth vnd vntter  
fein fröligs angeficht  
das er. den ich fo gar  
czertlich ercrogen vnd keuf(=)  
ch hab getragen gefalt  
was als ein recht auff(=)  
fecziger menfch vnd gaben  
ym alfo fchult er wer  
ain verforer des vockls  
vnd ain verftorer der ee

[32r,01] vnd fuchten mangerley

fach wie fy In mochten zu  
dem tod pringen Do frogt  
der bifchoff Cayphas  
mein kint ob er criftus  
gotes fon wer do fprach  
mein kint was hulff es  
das ich efz facht wer ich  
pyn wen ir gelaubet  
mir nit Ift efz aber fach  
das ich euch frög fo be(=)  
[32v,01]richt ir mich nit vnd loft  
mich nit ledig Aber ich  
fach euch pey meiner  
worhait das dy czeit noch  
wirt komen das ir des  
menschen fon werd sehen  
In den wolcken mit grof=  
fer craft vnd gewalt zu  
der rechten ~~hant~~ feines  
hymellifchen vaters Das  
het den bifchoff fo grofz  
[33r,01]wunder das er zureydz fein  
claider vnd fprach zu den  
andern iuden. hort yr  
hern wie gar ain vnmog=  
lich ding difer facht was  
dünckt euch gut das wir mit  
ym anvogen Dy iuden  
fchrien all gemain Er ift  
wirdig des tods do fprach  
vnfer libe fraw Do ich  
hort dafz fy den tod nanten  
[33v,01]do verwunt mich vor grof=  
fem layt dafz fchwert  
fymeonis durch mein  
feel vnd recht alz ain



toder menfch ward ich

do.

[35r,01] DO fprach

anhelmus

Eya libe fraw

wuhyn kom

dein kint do fy in von Cay=

phas furten Vnfer libe

fraw fprach Sie furten

yn zu pylato der do rich=

te was Do fprach anf=

helmus Libe fraw maria

warftu auch in hoffnung

[35v,01] das dein liebs kint folt

ledig werden Vnfer libe

fraw fprach ia anhelme

ich hofft das faft vnd feer

do ich anfach das gemein

volck dem mein kint offt

gar fufflicklichen gepredigt het

das fy foltē gedencken an

fein woltat vnd grofz guet

das er yn bewifen het vnd

foltē yn von dem smechligen

[36r,01] tod erbeten hab Do rufften

fie all pilatum an mit lau=

ter vnd gemainer ftym das

er den verretter folt creu=

czigen der fich nent gotes

fon vnd der verpoten het dem

kayfer den czinz zu geben

Dornocht frocht pylatus mein

kint welgs fein kunig=

reich wer do fprach mein

kint Mein kungreich ift nit

[36v,01] uff der erden wer mein

kūngreich von difer werlt  
ſo wer ich gewyſz das mich  
mein diner behuten das ich  
nit gegeben wurd in den  
gewalt der iuden. Dorvmb  
ift mein kungreich nit  
von difer werlt Do ſprach  
pilatus ſo piſtu doch ain  
hêr vnd ain kunig do  
ſprach mein kint zu pila=  
[37r,01]to Du ſprigft das ich fey  
ain kunig Vnd ich ſach  
dir das ich dorvmb geporn  
bin vnd kommen in die  
werlt das ich der worhait  
fol ain czeuknuſz geben  
vnd wer die worhait lib  
hat der hort mein ſtym  
Do ſprach pilatus vnd frogt  
mein kint Waſz ift die  
worhait. do ſwaig mein  
[37v,01]kint vnd wolt efz im nit  
ſagen. vnd het ym mein  
kint die worhait gefagt  
vnd recht aufzgelegt  
ſo het pilatus nit zugelaſ=  
ſen das mein kint getod  
wer worden Do das iüdas  
der verretter fach do het  
efz yn gerawen das er an  
meinem kint alſo vbel  
gethon het vnd liff pald  
[38r,01]zu den iuden vnd brocht yn  
wider die dreyfflig pfen=  
ning vnd ſchray mit lau=  
lauter ſtym das er an

meinem liben kint fo grofz  
fünd gethon het vnd fein  
vnſchuldigs plut verra=  
ten het vnd verzweyfelt  
vnd hing ſich an ainen  
ſtrick vnd nam ain iemmer=  
lichen tod Do das ſach pila=  
[38v,01]tüs do ſprach er zu den iu=  
den Ir hern ſegt an was  
ir vor handen habt. wan  
ich find kain vrfach an  
difen menſchen zu toden  
Do rufften dy iüden all gemeyn  
daß er het das volck ver(=  
für von galilea vncz gen  
ierufalem Do pilatus hort  
das mein kint wer von  
galilea. do fand er in dem  
[39r,01]dem kunnig herodes der  
was in der czeyt zu ierufa=  
lem. der het beffer recht  
gehabt vber mein kint  
noch irem landſyten· vnd  
dorvmb das konig hero=  
des pilato feint was alfo  
wolt pilatus dem konnig hero=  
des liebkoſen. vnd auch  
wol weft das künig hero=  
des mein kint begert het  
[39v,01]zu ſegen dorvmb daß er  
etliche czaichen vor ym  
folt thun Do mein kint  
kom zu herodes do wart  
er fro vnd frocht mein  
kint ob er der wer den  
fein vater künig herodes

getod wolt hab vnd vmb  
des alfo vyl kinder lyfz  
toden. Vnd ob er der wer.  
der. der wytwe fon von  
[40r,01]dem tod ~~tod~~ erweckt het.  
vnd lazarum. vnd ob er dy  
plinden het sehen ge(=  
macht dy do plint gepo=  
ren warn vnd frogt mein  
kind vyl ander frog Do  
fwayg mein kint vnd  
antwort dem konig kain  
wort Sich anhelme do  
nam der künig fein aige=  
ne kron vnd faczt fy auff  
[40v,01]meinem kint vnd verhyfz  
im fo er im ain czeichen  
teth er wolt im fein künig(=  
reich halp mit tailn Do  
fwaig mein kint vnd  
wolt kain wort fprechen  
Das verfmocht den kung  
vnd fprach er mocht wol  
ain thor fein vnd verfpot  
mein kint vnd fein di=  
ner hylten in für ain vn(=  
[41r,01]weyfen Do lifz in der  
kunig anlegen ein weiß  
clait vnd fanth in wider  
alfo zu pilato. do wart  
herodes mit pilato durch  
meinen fun veraint  
[42v,01]DO nūn mein  
kint wider  
kom zu pila(=  
to. der het er

gern mein kint erletigt  
von dem tod vnd sprach  
zu den iuden Ir hern efz  
ift ewr gewonhait das  
man euch zu difer ôfter=  
lichen czeit ain gefangen  
menschen fol ledig lassen  
[43r,01]nûn erwelt ain ufz czway=  
en welgen ir wolt haben  
barraban den morder <a>=  
ader *Jesum* Do schrien dy  
iuden all das er in geb  
barraban vnd das man  
mein kint folt hencken  
an ain galgen des creucz  
Do sprach pilatus was  
hat er gethon dorvmb  
er fterben fol. ich vind kain  
[43v,01]vrfach des tods an im.  
wolt ir euch doran loffen  
benugen fo wil ich in hart  
loffen stroffen do schrien  
die iuden all mit lauter  
ftym das man in folt  
creuczen Dy weyl pilatus  
mit meinem kind reth  
do schickt pilatus haufz(=  
fraw zu im vnd lyfz im  
fagen. Das er vnuerworn  
[44r,01]wer mit meinem kint wan  
fy het von dem tewfel grofz  
anfechtung gehabt wan  
efz den tewfel gerawen  
het das er die iuden ge(=  
raiczt het das die iuden  
mein kint gefangen heten.

Wan er erkant an feiner  
groffen gedult das er go=  
tes fon was Do gedacht  
pilatus wie er dy iuden  
[44v,01]mocht ftillen alfo das fie  
mein kint liffen leben.  
vnd hys mein kint binden  
an ain faul vnd lys in fla=  
gen mit gaiffeln fo vnbar=  
herczicklichen vnd feer das  
er kain gancze ftat an fei=  
nem czertlichen leib nit  
hett. von der fcheytel defz  
haubts vncz vntten an dy  
folen feiner fůz Liber an(=  
[45r,01]helme das ich nün fag dafz  
ift alfo iemmerlich Dy faul  
do fy mein libs kint an(=  
bünden die was fo dick  
das fy mein kint nit kont  
vmfogen bey czwaien fpan=  
nen Ach liber anhelme  
do deten fy meinem kint gar  
iemmerlich Sy namen ftarck  
rymen vnd bunden im fein  
henth dafz fy im ploe wur=  
[45v,01]den als ain tuch vnd czügen  
im fie mit groffer crafft  
das im dorinnen fein adern  
crachten dornoch namen  
die ritter fcharpff mer=  
dorn vnd fluchten ain kron  
doraufz die kont vor fcher=  
pfe nymant brauchen die  
flugen fy meinem kint mit  
ainem ftain in fein haubt

das meer dan an taufent  
[46r,01]enden fein heiligs plut v̇=  
ber fein angeficht vnd back=  
en floß Vnd legten im ain  
feyden ader purper clayt  
an zu schmocheit vnd fur=  
ten in ufz dem haufz in das  
vorhaufz das in alle werlt  
folt fehen vnd sprachen das  
ift ewr künig do das dy  
bifchoff vnd Iuden gewor  
worden das mein kint ain  
[46v,01]feydes clait anhet vnd ain  
dornekron uff feinen haupt  
do schrien fy all das man  
yn folt creuczigen do sprach  
pilatus Nempt in hyn yn  
ewr gewalt vnd creuczigt  
yn ob ir wolt Do sprachen  
dy iuden wir haben in vnferm  
gefecz wer sich nent gotes  
son den fol wir toden das  
gefecz wollen wir an im er(=)  
[47r,01]fullen Do das pilatus hort  
do begünd er sich meer zu  
föchten vnd ging in feyn  
rothaus vnd frocht mein  
kint von wan er wer Do fweig  
mein kint vnd gab im  
kein antwort Pylatus der  
sprach worvmb sprigftu  
mir nit zu weiftu nit das  
ich gewalt hab dich zu tö=  
den ader ledig zu laffen.  
[47v,01]Do sprach mein kint gar  
gütlich Du heft v̇ber

mich kain gewalt er wer  
dir dan von oben herab  
gegeben Aber du folt wif=  
fen das der mich dir ge(=  
geben hat. der hat noch  
groffer fünd Do das pi=  
latus hort do wolt er in  
ledig laffen do fchryen  
die iuden mit lautter ftym.

[48r,01]Ift es fach das du den le=  
dig left fo mercken wir  
wol das du des kayfers  
freund nit bift wan wer  
fich nent ain kunig der  
widerfagt *dem* kayfer Do  
*pilatus* hort das er *meinem*  
kint nit mocht helffen  
das er ledig wurd vnd dafz  
volck feer mürmelt do  
wufch *pilatus* fein hend

[48v,01]vnd fprach Ich bin vnfchul=  
dig an difem gerechten  
menfchen vnd an feinem  
plut do fchrien fy all ge(=  
mein Sein blut das gee  
vber vns vnd vber vn=  
fer kinder vnd fchrien  
all das man mein kint  
folt creuczen vnd fchrien  
fo lang vncz das fy pila=  
tum bethorten das er in le=

[49r,01]dig gab barraban vnd gab  
yn zu toden mein kint. das  
do ny kain vbel gethon  
het fy folten mit ym thun  
was fy wolten



[50v,01] DO sprach an=

helmus libe

fraw was

deftu do du

dife red horft Sy sprach

O anhelme mir wart

also we alz ging ein

fwert durch mein hercz

Anhelmus sprach hercze(=)

libe fraw wafz gefchag

im dornoch do sprach vn=

[51r,01]fer libe fraw Anhelme

Sy namen mein kint vnd

legten im das creucz uff fei=

nen ruck das muft er tra=

gen vncz an die stat do man

yn folt martern Eya liber

anhelme das creucz wafz

fünffzehen fchug lanck.

vnd mein kint fo fchwag

von der gayflung vnd fchnel(=)

lem vmbfüren vnd hyn

[51v,01]vnd heer ftoffen vnd von

dem fallen vnd halsflegen

dafz er das creucz nit mocht

tragen do czwungen fy ai=

nen der hyfz fymon cirenen=

fis der muft meinem kint

das creucz helffen tragen.

dafz theten dy iuden nit dor(=)

vmb das fy fich vber

mein kint erparmenten.

funder dafz er von groffer

[52r,01]cranckhait zu fwach wafz

dafz grofz creucz zu tragen.

Do sprach anhelmus Sa=

gftu auch do man dein  
libs kint aufzfurt zu to=  
den. ader folget auch vyl  
volks noch do sprach vn=  
fer libe fraw Ia anhel=  
me das volk lieff vnd  
raytt aufz mit groffen  
hauffen alz wolt man  
[52v,01]ainen vbeldetter aufzfü=  
ren den man tōden wolt  
Die frawen liffen auch mit  
yn aufz. deen meines liben  
kinds leyden vnd tod bit=  
terlichen layd was diefel=  
ben die wunden vor layd  
ir hend vnd wainten vnd be(=  
wifen fich mydleidlich von  
herczen Auch liffen kinder  
mit im aufz dy im vor  
[53r,01]grofz eer hetten bewifen  
die wurffen in mit ftain  
vnd mit koth do fach  
mein kint vmb vnd sprach  
zu den frawen die vmb yn  
waintten. Ir tochter von Ie=  
rufalem ir folt mich nit  
bewainen. fūder waint  
vber euch felber vnd vber  
ewre kinder dy mich werf=  
fen mit faulem koth vnd  
[53v,01]ftain wan ir folt wiffen dafz  
noch komt die czeyt vnd  
wirt noch werden das man  
fprechen wirt Selig ift der  
leip der nit fruchtpar ge(=  
wefen ift. vnd felick fein dy

prüft die nit gefaigt haben  
Auch wirt die czeyt komen  
dafz fy ſprechen werden zu  
den bergen falt vber vnſz  
vnd bedeckt vns Nün ift  
[54r,01]efz dorzu komen das ewr  
kinder mich ſo *iemmerlich*=  
en handeln Auch furten  
fy czwen vbelterer mit meym(=  
*nem* kint aufz meymem kint  
zu ſmegheyt Do fy komen  
an die ſtat do man in creü=  
czen folt do hingen fy ainen  
zu der rechttten hand mei=  
nes kinds vnd den andern  
zu der lincken hant

[55v,01]DO ſprach  
ſant anhel(=  
*mus* wy theten  
fy dornoch  
*deinem* liben kind Do ſprach

vnſer libe fraw Anhel(=  
me das ich dir nun wil  
ſagen das ift gar vnberm=  
lich zu hören Do dy mör=  
der komen an die ſtat do  
fy mein kint wolten töden  
[56r,01]do czogen fy meinem kint  
feine clayder ab vnd ftund  
nacket plofz alſz er in  
die werlt wafz kōmen.  
Do ich dafz ſach do wart  
ich onmechtig vnd wart  
alſz ain toder menſch do  
nam ich mein flayr von  
meinem haupt vnd pant

den flayr vmb feinen  
heylgen leip Dornoch do(=  
[56v,01]noch do legten fy das creucz  
uff die erden anhelme  
do gefchach meinem kint  
gar we Es kom ainer  
vnd nam mein kint pey  
feinem hor vnd warff in  
wider die erden Dornoch  
flugen fy im in die ain  
hand ain nagel der was  
grofz vnd dick das dafz  
blut durch die hant nit  
[57r,01]mocht komen alfo erfult  
der nagel die wunden Dor(=  
noch namen fy fayl vnd  
ftrickten fy an den andern  
arm vnd czogen hart dafz  
fie den andern nagel kaüm ein(=  
flugen in die andern hant  
Dornoch liber anhelme  
hetten fy ftarck rymen die  
bunden fy im an fein füßz  
vnd czugen alfo lang dafz  
[57v,01]fy mit groffer arbeit den  
dritten nagel eynflugen.  
vnd hetten mein kint fo  
feer aufeinander gedent  
das man im all feine glid=  
mafz het mogen czeln Alfo  
liber anhelme wart er(=  
fult an im das konig da=  
uid von ym fchreibt vnd  
auch von mir alfo Audi  
filia et vide bona mater.  
[58r,01]Alfz ob mein fo zu mir

fprech hõre allerlibfte  
mutter mein. sich an mein  
libe muter mein arm mein  
hende vnd mein füßz wie  
die genagelt fein vnd ge(=)  
schmit an dafz creucz Nym  
wor anhelme do ich das  
hort do wart mir also  
we dafz. das schwert fey=  
ner marter ging vnd  
[58v,01]durchschnaid mein feel  
so creffticklichen das mir  
fein marter inwendig so  
we thet an meiner feel also  
in dy aufwendich we thun  
möcht an feinem heylgen  
leib Dornoch richten fy  
in auff mit dem creucz mit  
groffer arbeit Nym wor  
mein liber anhelme do  
wart mein kint also hoch  
[59r,01]gehenckt das ich fein heyl(=)  
ge füßz nit mocht erlangen  
do sie yn auffgericht hetten.  
Owe liber anhelme do  
riffen im auff al fein wun=  
den an henden vnd an füßen  
von der fwerhait feyns  
czartten leibs. Also das fein  
edler leip vol pluts ran  
Nim wor anhelme do het  
ich ain einigs cleyt vmb  
[59v,01]das wafz in der leng dafz es  
mein haubt bedeck vnd  
meinen leip. mit dem clayt  
ving ich auff das plüt dafz

uff meines liben kinds hen=  
den vnd füffen flosz. also  
das mein clait mit feinem  
heylgen plüt durchgoffen  
was vnd kom nit uff dy  
erden. vnd ob etwas dor(=  
auff kom dafz wafz mir  
[60r,01]ain grofz leyd Nun mein  
allerlibfter menfch nym  
zu herczen wie gar iemmer=  
lichen die muter mit grof=  
fer fchand do gefalt was  
do das tewr plut ires li=  
ben kinds an ir hert wafz  
worden

[61v,01]DO fprach anf=  
helmus Libe  
fraw was ge(=  
fchach dor(=  
nach Vnfer libe fraw dy  
antwort die ritter na=  
men fein clayder vnd fpil=  
ten dorvmb Sy faffen  
gegen meinen fon vnd ver(=  
fpotten yn Do fchreib pi=  
latus oben an das creucz  
[62r,01]Jesus von nazareth ein  
kunig der iuden do fprachen  
dy iuden du folt nit fchrei=  
ben der iuden kunig Sun=  
der er hat gefprochen er  
wer der iuden konig Do  
fprach pilatus Was ich ge(=  
fchriben hab das fey vnd  
beleib ~~geleib~~ gefchriben.  
Nym wor anhelme do

ftunden fy fur yn vnd weg=  
[62v,01]ten ire kôpff vnd leftertten  
in vnd verfpotten in vnd  
fprachen du haft andern  
menfchen geholffen vnd ge(=  
fünth gemacht byftu go=  
tes fon fo fteyg herab von  
dem creucz fo wollen wir an  
dich glauben Do sprach  
fant anhelmus Libe fraw  
Was sprach dein libs kint  
do man in fo iemmerlichen  
[63r,01]leftert Vnfer libe fraw ant=  
wort Er rufft an fein hy=  
mellifchen vater vnd sprach  
Vater ich pit dich das du  
in verzeyest wan fy weffen  
nit was fy thün do ftund  
das volck vnd lachte vnd ver(=  
fpotten in vnd triben ufz im  
ir gefpot Nim wor liber  
anhelme do mocht mein  
kint wol zu mir fprechen  
[63v,01]Auwe mein libe muter.  
nun höre mit groffem ia=  
mer wie man dein kint  
verfpot leftert vnd v̄bel  
handelt. vnd an allem  
meinen leib wie groffe  
peyn ich leyd. du weift  
wol mein allerlibfte mu=  
ter das du mich entpfan=  
gen hoft von dem heylgen  
geyft vnd dafz du mich reyne  
[64r,01]iunckfraw zu der werlt  
procht hoft vnd gar liplich

gespeyft hof vnd ernert.  
libe muter so dife vngläu=  
bigen nit wollen glauben so  
glaub du an mich das ich  
worlich gotes fon pyn  
vnd erbarm dich v̄ber  
mich Nym wor liber anf=  
helme do mocht mir mein  
hercz pluten von iammer  
[64v,01]vnd also we gefcheen  
dafz das fwert feiner  
heylgen marter durch mein  
feel ging vnd fchneytt  
mich durch mein hercz  
Do sprach anhelmus  
was deſt du do do sprach  
vnfer libe fraw Ich ftünd  
vntter dem creucz vnd wafz  
also feer betrubt das mich  
nymant tröften kont. vnd  
[65r,01]pey meiner fweſter ma=  
ria vnd maria magdale=  
ne Do mein kint mein  
gewart vnd iohannis  
ewangeliften meiner fweſ=  
ter fon do sprach er zu mir  
Muter ich gib dir iohan=  
nem zu ainem fon an mein  
ftat Vnd sprach zu iohan=  
nes Iohannes liber freund  
meiner Ich gib dir mein  
[65v,01]libe muter zu ainer mu=  
ter vnd bevyll fie dir in  
deyn trew Eya felger menſch  
nym in dein hercz dyſe iem=  
merliche wegflung das



vnfer libe fraw muft ne=  
men iohannem für *Jesum* eyn  
lauttern menſchen für got  
vnfern hern Ain lérkint  
für ain meyfter. ain flech=  
ter freünd für ain kint.

[66r,01]Nym wor anhelme do efz  
mittag wart do wart ain  
erdbytum vber dy gancz  
werlt bys zu der nōn(=)  
czeyt do ſchrey mein kint  
mit lautter ftym Hely  
hely lamazabathani dafz  
ift alz vyl Mein got mein  
got worvmb hoftu mich  
verloffen do ſprachen etlich  
vnter den iuden hört wy

[66v,01]rufft der helyam an vnd  
ſprachen fy wolten warten  
ob helyas kome vnd wolt  
yn von dem creucz nemen.

Do ſach mein kint das  
nün die gefchrifft dy ge(=)  
ſchriben ftund. An im er=  
fult was. alfo das fein  
vnd mein marter ſolt ain end  
haben Nim wor liber anf=  
helme darnach ruft er

[67r,01]gar cleglich vnd ſprach  
Mich dürft Do namen fy  
effig vnd galn vnd gemifcht  
mit gemirtten wein vnd  
potem ym mit ainem fwam=  
men zu trincken dorvmb.  
das er dafter ee fturb Do  
den tranck mein kint

fmeckt do wolt er nit trinck=  
en funder er sprach Ez ift  
nün alz volbracht vnd sprach  
[67v,01]auch ain ander wort do  
von mein hercz vor iammer  
möcht czerbrochen feyn  
vnd ruft mit lautter stym  
Heylger vater Ich bevyt  
meinen geyst in dein  
hend Do naygt er fein gebe=  
nedeits haubt nyder vnd  
gab auff fein heylge feel  
Nim wor anhelme do  
zuraytz der fürhanck der in  
[68r,01]dem tempel hing enczwey  
vor groffem iammer von  
oben herab vncz zu vnderft.  
das erdrich das erbidemt  
die fteyn zuriffen vnd zuer=  
fpylten fich. funderlich  
der oberft ftein do das  
creucz inne ftünd der zu(=)  
fpyelt fich fo feer dafz man  
ain hand möcht haben ge=  
legt in den fpalt Do dafz  
[68v,01]dy menfchen fagen die flu=  
gen an ir hercz vnd gingen  
dorvon. die iuden bliben bey  
im fteen vnd dy frummen  
frawen dy in kantten vnd  
feiner leer vnd predigt noch(=)  
volgenden vnd bewainten  
fein tod gar feer Anhel=  
mus sprach Sach an libe  
fraw Do das alz wafz ge(=)  
fcheen het dein betrubnufz

[69r,01]fchyr ain end Vnfer libe

fraw antwort Die prophe=  
cey die her fyneon von  
mir het gefacht das ain  
fwert mein feel folt durch(=  
fchneyden die was noch  
nit ganz verprocht an  
mir. dorvmb das ich dyr  
nūn wurd fagen dafz ift vaft  
permlich vnd gar feer zu  
bewainen Dy iuden baten

[69v,01]pilatum das man mein kint

vnd auch die andern czwen  
nit an dem creucz lyfz hang(=  
en von der groffen hoch=  
czeyt der ōfterlichen czeyt  
wegen Wan ez wer vnbil=  
lich das ain folger toder  
menfch folt pleiben hangen  
vnd gepot das man zu(=  
brechen folt ire bain vnd  
all ir glider Do gepot pi=  
[70r,01]latus dafz man fy von dem  
creucz folt nemen Do gin=  
gen die ritter vnd zubroch=  
en den czwayen yr bain.

do fy wolten meinem kint  
fein bain zuprechen do  
fahen fy das mein kint tod  
was do zubrachen fy im  
fein gebain nit Aber doch  
liber anhelme do gefchach  
ein anders iemmerligs

[70v,01]ding Ain plinter ritter

nam ain fpeer vnd ftach  
mein kint durch fein fey=

ten in fein hercz doraufz  
flosz blut vnd waffer Do ich  
arme fraw das fach das fy  
fo vnarmherczligen mit  
meinem kint lebten dafz do  
tod was do kom ich darzu  
vnd wart alz ain toder  
menfch Nym wor anfhel=  
[71r,01]me Do wart die prophecey  
an mir erfult fo das fwert  
feiner marter folt gen  
durch mein feel das gefchach  
do vnbequemlich an mir  
armen frawen. wan ich wart  
fchreyen vnd wainen alfo  
das mir mein betrübts  
hercz zuriffen möcht feyn  
worden. vnd het gern mer ge(=  
waint fo kont ich nit meer.  
[71v,01]wan all mein gebain warn  
verftockt do ich vor die  
gancz nacht het gewaint  
vnd den ganczen tag vnd  
liff vnd fach an mein tods  
kint vnd fprach O aller(=  
libft kint mein wu ift mein  
troft hynkomen den ich  
an deinem schon angeficht  
vnd liblichen gehandelt ge(=  
habt hab wer hilfft mir  
[72r,01]dafz ich nün für dich aller(=  
libfts kint fterb Nym  
wor anfhelme mit folgen  
worten beclagt ich mein  
kint manigfeltig.  
[73v,01]DO fprach fant

anhelmus

Allerlibfte

fraw wafz ge(=)

fchach darnoch Do sprach

vnfer libe fraw Iofeph von

arimathia der pat pilatum

das er möcht nemen den

leip meines kinds vnd

sprach also Her richter

gebt mir pald den leip

[74r,01]defz iungelings *Jesu* anders

wir verlyfen die aller(=)

fchonft fraw von betrubt(=)

nufz wegen wan fy macht

vns alle fo betrubt dafz

es nimant glaubt do frogt

pilatus ob er tod wer Do

wart er vntterricht er wer

tod vnd das groffe wunder

wern gefcheen Do der

leib meus kinds her Io=

[74v,01]feph geben wart Nun hör

mein liber anhelme ain

cleglich ding do gefchag

Do iofeph meus kinds

leip von dem creucz nam do

ftund ich arme muter

vnd nam wor. wen im

fein arm ledig wurd das

ich den möcht dergreuf=

fen vnd von lieb küffen

alfz ich dan mit groffm fleyfz

[75r,01]deth Nym wor anhelme

do er nun erledigt ward

vnd von dem creucz genom=

men was. do legttten fy in

uff die erden wol drey  
schritt von dem creucz do  
nam ich arme muter meus  
tods kinds hant vnd haupt  
in mein schos vnd hub  
an gar bitterlichen zu wai=  
nen vnd sprach Auwe aller(=  
[75v,01]libfts kint meus wol ain  
iemerlicher troft biftu  
mir nūn dich zu legen in  
mein schofz den ich gar  
offt mit meinen armen  
vmbfangen hab Do schrey  
iohannes meiner liben  
fwefter son vnd fiel im  
uff sein hercz vnd wainet  
bitterlichen feer von herczen  
vnd sprach Owe mein al=  
[76r,01]libfter her ift gestorben.  
ufz defz herczen ich gefugen  
hab groffe haimligkeyt  
vnd verborgene ding vnd  
heüt hab ich layder von  
im empfangen grofz layd  
iamer vnd betrubtnüs.  
Darnoch kom maria  
magdalena die ftalt fich  
gancz betrübt vnd wainet  
meer dan dy andern all.  
[76v,01]vnd sprach Auwe mein  
liber her *Jesu Christe* wer fol  
mir nūn mein fund ver(=  
geben vnd fol mich nūn  
entschuldigen gegen mey=  
ner fwefter alz du liber  
her gethon hof Do kom

petrus geloffen vnd viel  
für mein kint vnd way=  
net gar feer dorvmb das  
er feins fchöpfffers ver=  
lauget het Dornach ko=  
[77r,01]men all fein iunger vnd  
waintten auch bitterlichen  
feer Nym wor anhelme  
do beweift mein kint an  
mir vnd an allen feinen  
iugern ain tröftlich ding  
wan er nam an feinen  
heylgen leip eyn groffe clar=  
heit vnd ward an feinem  
leib der do feer zuflagen  
[77v,01]was fo schön daz man dor(=  
an kain vngefalt fach.  
allein dy funff wunden  
dy er vncz zu dem iungften  
tag behalten wil Nim wor  
anhelme defz wart ich  
vnd fein iunger gar fro  
vnd frolockten ~~Θ~~ mein li=  
ber anhelme  
[79r,01]O mein anhel=  
me Do fy nūn  
mein kint be(=  
graben wolten  
do wart ich aber vaft be(=  
trubt vnd hilt mein kint  
mit aller meiner crafft  
vnd wolt nit das fy in bald  
folten begraben vnd ich sprach  
zu iohanni liber freunt mey(=  
ner Ift efz fach das ich mein  
[79v,01]kint lebendig nit mach geha=

ben fo lofz mir in aber tod.  
mach ez aber nit gefein  
fo bit ich dich in aller trew  
das du mich yeczunt mit  
im begrabest Nun nym  
wor anhelme do sprach  
iohannes zu mir hort ~~yr~~  
~~liben frawen~~ libe fraw vnd  
muter mein Du waift  
wol dafz es nit anders  
[80r,01]mach gefeyn Wan folt der  
menfch von defz tewfels  
gewalt erlößt werden fo  
muft das also gefcheen  
mit difer red er mich ain  
wenig erquickt das ich  
mein kint begraben lyfz  
Do man yn in dafz grab  
het gelegt do wolt ich  
aber zů im in das grab  
fallen dafz gefat mir iohan=  
[80v,01]nes nit Nym wor liber  
anhelme do fyl ich uff  
dafz grap mit waynen  
vnd wafz fo feer betrübt  
das all die do bey mir wa=  
ren muften betrübt fein  
vnd wainen Aüwe liber  
anhelme do mich iohannes  
wider wolt in dy ftat furen  
vnd von dem grab nemen  
do fchray ich mit lawter  
[81r,01]ftym vnd sprach Iohannes  
liber frewnt meiner Thu  
hewt an mir armen muter  
kain gewalt vnd nym



mich noch nit von dem grab  
funder lofz mich hy bey im  
fterben vnd wil do bey mei=  
nem kind pleiben lebentig  
vnd tod Do huben fy all an  
zu wainen dy do bey mir  
warn Anhelme do nam

[81v,01]mich iohannes mit gewalt  
vnd furt mich also wain(=  
nent in die ftat. vnd do dy  
lewt fagen das mein clay=  
der blutig warn als ich ge(=  
ftanden het vntter dem creucz  
vnd von meins liben kinds  
blut begoffen wart do ruff=  
ten fie mit lautter ftym  
gemein vnd beclagten  
mich vnd erbarm fich vber

[82r,01]mich vnd fprachen alle ge(=  
main mit wainen Auwe  
wie ain groffer gewalt  
vnd vnrecht ift hewt ge(=  
fchehen an difer fchon fraw=  
en vnd an irem liben kint  
vnd clachten mein layt vnd  
gingen mit mir wainent  
durch dy ftat alfz lang  
vncz ich kom zu iohannis  
muter haus meiner

[82v,01]fwefter do bleyb ich mit  
iohannes dem mich mein  
kint gar fleyfflich bevolen  
het vnd waint vnd want  
mein hent vnd martert  
mich felbs fo feer das kain  
menfch fehen mocht ader

hörn efz muft mit mir  
wainen dorzu kont ~~ieh~~  
mich nymant troften.

Nim wor anhelme alfo  
[83r,01]faß ich den tag vnd nacht  
vnd wainet das mir mein  
augen mochtten zubrochen  
fein. vnd gedocht alczeyt  
an mein libs kint daß ich  
alfo iemmerlichen verlorn  
het vnd an die grofz mar=  
ter die er erliden het vnd  
gedacht do wie in ainer an  
den halfz het geflagen das im  
das fewr ufz den augen gen  
[83v,01]mocht vnd wie fy im fein  
augen verbunden. vnd wie  
fy im fein gebenedeyte hent  
bunden uff fein rüch als ai=  
nem dieb. vnd wie fy mit im  
ain affenfpyl hetten vnd flu=  
gen in an fein halfz vnd an  
fein heylge backen. vnd hy=  
fen in raten wer in gflagen  
het. vnd furten in vmb von  
ainer ftrofz zu der andern  
[84r,01]alfz ain thorn vnd wie fy  
im fpeyten an fein heylgen  
münd der do ny kain vbel  
wort gereth het. vnd wy er  
gefalt was von yren vnrei=  
nen fpeycheln alfz ain auff(=)  
feczyger menfch vnd wie fy  
fur in niderfylen vnd knyten  
verfpeyten verfpotten vnd  
mit yrn hafzhafftigen haub=

ten sie gegen in wegten  
[84v,01]gleich ob sy waiten vnd wy  
in die kinder wurffen mit  
faulem koth vnd mit stain  
vnd ainer In nam bey feinem  
heylgen hor vnd warff in  
nyder bey dem creucz das im  
sein czarter leip mocht zu(=)  
prohen sein. vnd wie sy im  
flugen die stumpfen negel  
in sein gebenedeyte hent  
vnd fuff vnd wie sy im  
[85r,01]czugen die ain hand mit ry=  
men do sy zu kurz waren  
an dem creucz vnd do das  
creucz lenger was dan mein  
kint do namen sie starck  
strick vnd czogen im sein  
gebenedeyte fuff also lang  
da sy zu dem creucz zu kurz  
waren vnd wie sy im zu  
trinck gaben den bitteren  
tranck effig vnd gallen ge(=)  
[85v,01]mischet mit gemirtem wein  
vnd wie sy im die dornen(=)  
kron die do scharpff wafz  
uff sein hayligs haubt fecz=  
tten vnd sy flugen mit ainem  
speer dorauff das sein an=  
gesicht alles mit blut wafz  
begoffen. vnd wie sie in bun=  
den an ain faul vnd zuflu=  
gen im sein heylgen leip  
mit gayffeln das nigcz gancz  
[86r,01]an feinem leib wafz vnd wie  
mein kint sein heylge feel

auffgab feien hymellifchem  
vater. vnd ftarb alfo menfch=  
lig an dem creucz vnd nit  
an der gothait Nym wor  
anhelme do ich alfo fein  
marter vnd peyn vnd quelung  
betrachtet fo betrübt ich  
mich vnd waint alfo feer  
dafz mich daucht das die  
[86v,01]czeher die aufz meinen au=  
gen fluffen ganz blütig  
wern Aber ich wafz nie fo  
feer betrübt vnd allermayft  
dorvmb do ich bey meinem  
kint was. Do kom ain blin=  
der ritte vnd ftach mein  
kint mit ainem fcharpfen  
fpeer durch fein feyten  
das im fein rains hercz  
zufpylt vnd dorauz flofz  
[87r,01]blut vnd waffer gleych  
mit ainnander do wart  
mir fo wee das ich nit wai=  
nen mocht vnd lag alfz  
ain toder menfch dy peyn  
die ich do het dy betracht  
ain ytlicher menfch gar  
trewlich mit innykait.  
vnd erbarm fich vber mich  
arme muter vnd vber mein  
kint *Jesum Christum* das do ewig  
[87v,01]vnd alweg geweltig ift  
mit dem hymellifchen vater  
vnd mit dem heylgen geyst e(=  
wig vmmer vnd on end.

Do fprach fant anhelmus

Libe fraw fo aber nūn dafz  
also ift dafz dein kint vnd  
du fo grofz peyn habt gely=  
den fo fach mir doch welg  
ift dy grôft peyn gewefen

Do ſprach vnfer libe fraw

[88r,01] Auwe anhelme der warn  
faft vyl das fy vnczelig fein.

Aber doch fo fach ich dir dafz  
ich vntter den peynen al=  
lein fünff peyn hab aufz(=  
geczelt die zumōl grofz fein

Do ſprach anhelmus Eya  
allerlibfte fraw fo bit ich  
dich fach mir die funff wan  
ich fy gern wiſſen wolt Do

ſprach vnfer libe fraw.

[88v,01] So du fy wiſſen wilt fo wil  
ich dir fy gern ſagen Die  
erft peyn ader herczelait  
was do ich mein kint in  
den temple trüg do weiſf(=)

ſagt mir her fy meon dafz  
ain fwert ſolt durchgeen  
mein hercz vnd feel feyd  
deſelben mal ward ich  
ich ny fro vncz an mein  
tod ¶ Die ander peyn a=

[89r,01] der ſchmercz was Do ich

mein kint verlorn het vncz  
an den dritten tag vnd yn  
widerfant in dem tempel  
vntter den iūden vnd fy lert

Die dryt peyn was do ich  
fach in dem geſt das mein  
kint ſol gefangen werden.

Nym wor anhelme das  
wafz mir ain groffer fmercz.  
Die vird peyn was do mein  
[89v,01]kint vol bluts vor mir  
hing an dem creucz vnd ich  
im nyt mocht gehelffen.  
Die fünft peyn ader fmercz  
was. dafz mir mein libs  
kint alfo tod ward an mein  
arm gelegt Nym wor anf=  
helme das waren dy funff  
mein allergrofte peyn  
vnd fmerczen Sant anf=  
helmus sprach Eya libe fraw  
[90r,01]Was wiltu dem geben der  
dich der funff peyn ader  
fmerzen ermant Do sprach  
vnfer libe fraw Eya liber  
anhelme efz wirt den menschen  
gar wol gelonth. vnd wafz  
der lön dorvmb ift das wil  
ich dyr fagen Czu ainer  
czeyt do fafz ich bey meinem kint  
do begünd er mich zu fro=  
gen vmb mein fmerczen vnd  
[90v,01]vnd grofz layt fo er daf<s>  
felbs vyl bafz weft dan ich  
Aber er wolt efz von mir  
auch hörn Anhelme do  
fagt ich efz meinem kind.  
Nym wor do sprach mein  
kint *Jesus Christus* der alweg  
got was vnd ymmer wor  
got ift zu mir Czarte libe  
muter wer dich ermant  
defz leydens das dir fyne=

[91r,01]on hot geoffenbart der fol  
erlôft werden vor allen vbel  
an *dem* leib vnd an der feel.

Wer dich muter ermant  
des fmerczen do du mich mu=  
ter drey tag verlorn heft.

dem wil ich geben drey tag  
fryft vor feinem end Defz  
erften tags ware rew zu *dem*  
ewigen leben des andern  
tags lautter vnd clore peicht

[91v,01]Des dritten tags wil ich  
im geben ein volkomen le=  
ben als ob er mir virczig  
iar gar mit willên gedynt

het Wer dich muter ermant  
mit ganczer andacht das  
du im geyft mich fagft ge(=  
fangen den wil ich dir gar  
bald loffen aufz allem ge(=  
fencknufz des leibs vnd der  
feel vnd mach in aller forg

[92r,01]frey vnd ledig Wer dich  
muter ermant der peyn

alfz du mich fagft blütig  
an *dem* creucz hangen vnd wer  
mein marter vor an im

verlorn fo wil ich fy an im  
furbas vernewen alfo das  
er mein nyt vergeffen mach  
dy nacht vnd den tag alfo  
das im mein beyftant gar

bald gefchicht Ift der *menfch*

[92v,01]aber fo cranck das er folge  
gedancken nyt zu mir hat  
fo wil ich im dennuch fein

leben erlengern vnd wil  
im alle frewd geben zu gleich=  
er weyß als wer er on pein  
gefangen in meiner mar=  
ter Wer dich muter ermant  
der peyn das ich dyr tod  
pyn gegeben an dein arm  
dem wil ich mein parm=  
[93r,01]herzigkait auffthün vnd  
wil im all fein begern nyt  
verfagen. gnad fol im wer=  
den al tag vnd wil in dir gebn  
in dein gewalt vnd fol in der  
czal der aufzerwelten geczelt  
werden dorvmb dafz du mu=  
ter gelyden hof durch mich  
Domit mein libe muter  
êr ich dich Nün merck mein  
liber anhelme wy mein kint  
[93v,01]felbs lon wil Do sprach  
fant anhelmus Eya mein  
libe fraw wy vyl wunden  
hat dein libs kint erlyden  
vmb defz funders willen  
Do sprach vnfer libe fraw  
Eya liber anhelme die  
fein vnczelig gewefen A=  
doch fach ich dir alß dy  
lerer fprechen das yr gewe=  
fen ift an der czal fünff(=  
[94r,01]taufendvierhundertvnd(=  
fechzickt wunden Do sprach  
fant anhelmus Eya libe  
fraw wie vyl warn aber  
der groffen wunden dy dein  
kint entpfangen het Do



fprach vnfer libe fraw Eya  
liber anhelme fy waren  
all grofz genung vnd dethen  
ym gar wee Aber doch fo  
hat er ir fünff behaltten  
[94v,01]die im dy fwerften warn.  
vnd die er offenbarlich  
weyfen wil zu dem iungften  
gericht wen er richten  
wirt dy lebendigen vnd die  
toden vnd all funder vnd  
fünderin Nym war anf=  
helme wol dan dem der in  
ir hat ermant feyner  
heylgen wunden vnd meiner  
gedultigen mitleydung wan  
[95r,01]dýfelben werden mit im le=  
ben ymmer vnd on end Do  
fprach anhelmus der heylig  
byfchoff Eya libe fraw wafz  
wurftu dem zu lon geben  
der difz buch lift ader lefen  
hort der efz fhreibt ader  
fhreiben left von feiner  
fchwern arbeyt Do ant=  
wort vnfer libe fraw O  
anhelme ich fach dir dafz  
[95v,01]fürwar Wer das buch dey=  
ner frog vnd meiner clag  
vnd antwort vnd von mey=  
nes kinds marter lift ader  
mit innickait lefen hört  
der menfch fol nit verlorn  
noch von meinem kind noch  
von mir nummermeer ge(=  
fcheyden werd Anhelme

auch sag ich dir in welgem  
haufz das buch mit andacht  
[96r,01]wurt gelesen vnd in welgem  
haüfz es ift dem selben haufz  
kan kain waffer ader kain  
vngewer geschaden vnd  
kan auch kainer ains bö=  
fen tods sterben wer efz bey  
im hat das heylg wirdich  
sacrament wurd im zuteyl  
vnd wurd gefunden in aym  
guten end. vnd den frawen  
die do schwanger fein vnd  
[96v,01]fwarlig kinder gepern den  
ift dyfz büchlen alfz nüz  
als ob fy andere ding the=  
ten dy den frawen hylff ge(=  
ben. das kint mag auch  
nyt vbel geraten funder  
efz wirt gar nuczlig vnd  
dy frawen die gewinnen  
lib an folgen kinder vnd  
dy frawen werden auch pald  
erledigt in der gepurt yr  
[97r,01]kinder Anhelme ich fach  
dir auch fürwar wer das  
büch beftelt von feiner  
fwern vnd fawrn arbeit  
vnd bey im helt den kan ader  
mag nymmer vbel geen.  
funder er gewint feyn not=  
turft redligen. vnd wer efz  
lyft ader hört lefen mit an=  
dacht vnd innigkait an dem(=  
selben menschen wirt meyns  
[97v,01]liben kinds marter vnd mein

fmercz vnd grofz leyden  
nummer verlorn. vnd alle  
feyn veind fy feyn fichtig  
ader ꝛ vnfigtig dy mögen  
im nit fchaden noch kayn  
böfer geyft kan ader mag  
defz menfchen feel nyt ge(=  
fchaden Nym war liber anf=  
helme domyt fo erd der  
menfch mein kint vnd auch  
[98r,01]mich Also hat das buchlen  
ain end got der her der wol  
feyn an vnferm lecztē end.  
fo wir müfen von hynnen  
farn. dy heylic marter crifti  
wól vns beworn ¶ Das buch  
heyft fant anhelmus frog  
vnd vnfer liben frawen clag.  
Die do bayde in dem hymel=  
reich feyn. Nun helff vns die  
mutter crifti vnd yr liebs [[kind]]  
[98v,01]das wir auch komen dohyn  
Amen 1494